

29 mahasiswa timba pengalaman di Mexico

UTUSAN (CAMPUS LIFE) | OGOS 2015 M/S 19

SEBANYAK 29 mahasiswa dari sembilan institusi pengajian tinggi (IPT) berpeluang menimba pengalaman baharu di Mexico menerusi Program Mobiliti Antarabangsa Malaysia-Mexico 2015 (MPMEX 2015).

Program selama tiga minggu itu dianjurkan Kedutaan Malaysia dan Mexico dengan kerjasama kementerian pelajaran masing-masing.

- MPMEX 2015 bertujuan membentuk peribadi serta inspirasi peserta dengan menyediakan platform menimba pengalaman baharu di luar negara.

Antara IPT yang terbabit dalam program tersebut, Universiti Malaysia Pahang (UMP), Universiti Kebangsaan Malaysia (UKM), Universiti Tenaga Nasional (Uniten) dan Universiti Malaysia Sabah (UMS).

Mahasiswa juga turut dipilih daripada

pelbagai latar belakang jurusan seperti kejuruteraan, perniagaan antarabangsa, gastronomi dan sains sosial.

Salah seorang peserta dari UMP, Muhammad Aizat Azed yang merupakan pelajar tahun ketiga jurusan Kejuruteraan Awam dan Fakulti Bumi Sumber berkata, kesemua peserta memperolehi pengalaman dan pelbagai pengetahuan baharu ketika menjalani kehidupan di Mexico.

"Dalam program ini, kami telah dibahagikan mengikut latar belakang pengajian di Malaysia dan menghabiskan separang masa sesi pembelajaran di beberapa universiti yang telah ditetapkan. Bagi mahasiswa kejuruteraan, kami ditempatkan di Tecnologico de Estudios Superiores de Jocotitlan (Tesjo).

"Manakala, pelajar Sains Sosial pula ditempatkan di Universidad del Estado de Mexico dan pelajar perniagaan antarabangsa di Universidad Autonoma del Estado de Mexico," katanya.

Muhammad Aizat menyifatkan pengalaman

itu sebagai satu peluang keemasan dan ia memberi peluang kepada mereka untuk menimba ilmu di bawah bimbingan Rektor Jose Luis Guillermo Gonzalez Rodriguez.

Peserta juga didekahkan dengan budaya unik melibatkan makanan, pakaian dan pelbagai tarian tradisi masyarakat Mexico sejak minggu pertama mereka menjelajah kaki di bumi Amerika Utara tersebut.

"Kami diberi peluang mencuba permainan tempatan dipanggil Piñata dan melawat tempat-tempat bersejarah dan purba yang cukup terkenal seperti Piramid Teotihuacan.

"Bukan itu sahaja, peserta juga dibawa melawat Pusat Kebudayaan di Mexico Malinalco, berjalan melihat keindahan bandar Metepec dan melakukan beberapa aktiviti lasak di La Marquesa," ujarnya.

- DHIYAZULHILMI DAUD

PELAJAR-PELAJAR
Malaysia bergambar
kenangan di hadapan
kawasan purba
yang cukup terkenal
di Mexico iaitu
Piramid
Teotihuacan.



Kami diberi peluang mencuba permainan tempatan dipanggil Piñata dan melawat tempat-tempat bersejarah dan purba yang cukup terkenal seperti Piramid Teotihuacan.